



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

Na osnovu članova 229. i 230. stav 1. Zakona o privrednim društvima („Službene novine Federacije BiH“, broj: 81/15 i 75/21), člana 54. Statuta Javnog preduzeća Elektroprivreda Bosne i Hercegovine d.d. – Sarajevo (prečišćeni tekst), broj: NO-2190/21 – 41./2. od 25.01.2021. godine i Statuta o dopuni Statuta Javnog preduzeća Elektroprivreda Bosne i Hercegovine d.d. – Sarajevo broj: SD-20745/21-70./6. od 30.07.2021. godine i Odluke Nadzornog odbora o sazivanju Osamdeset i devete (vanredne) Skupštine Društva, broj: NO-27053/25-72./3.3. od 31.07.2025. godine, Nadzorni odbor Javnog preduzeća Elektroprivreda Bosna i Hercegovine d.d. – Sarajevo, objavljuje:

O B A V J E Š T E N J E
o sazivanju Osamdeset i devete (vanredne) Skupštine Društva

- I. Osamdeset i deveta (vanredna) Skupština Javnog preduzeća Elektroprivreda Bosne i Hercegovine d.d. – Sarajevo će se održati dana 15.08.2025. godine u Sarajevu, u prostorijama Poslovno-tehničke zgrade JP Elektroprivreda BiH d.d. – Sarajevo, ulica Wilsonovo šetalište broj 15., s početkom u 10,00 sati.

Dioničari JP Elektroprivreda BiH d.d. – Sarajevo se podsećaju na mogućnost glasanja u odsustvu u skladu s članom 34. Poslovnika o radu Skupštine JP Elektroprivreda BiH d.d. – Sarajevo i tačkom VIII. ovog Obavještenja.

- II. Za Osamdeset i devetu (vanrednu) Skupštinu Društva predlaže se sljedeći:

DNEVNILRED

1. Izbor radnih tijela Skupštine Društva:
 - a) Predsjednika,
 - b) zapisničara i dva ovjerivača zapisnika;
2. Donošenje Odluke o razrješenju člana Nadzornog odbora JP Elektroprivreda BiH d.d. – Sarajevo ispred državnog kapitala radi isteka perioda na koji je imenovan;
3. Donošenje Odluke o izboru i imenovanju člana Nadzornog odbora JP Elektroprivreda BiH d.d. – Sarajevo ispred državnog kapitala.

- III. Dioničar ili grupa dioničara s najmanje 5% ukupnog broja dionica s pravom glasa ima pravo pisano predložiti izmjenu dnevnog reda i prijedloga akata Skupštine Društva najkasnije osam dana od dana objavljivanja ovog Obavještenja.

- IV. Obzirom da članu Nadzornog odbora ispred državnog kapitala, Zlatku Terziću, dana 15.08.2025. godine ističe period na koji je imenovan, dioničar – Federacija BiH ima pravo da predloži kandidata za člana Nadzornog odbora.

Prijedlog kandidata se podnosi pismeno, najkasnije osam (8) dana od dana objavljivanja Obavještenja o sazivanju Osamdeset i devete (vanredne) Skupštine Društva. Prijedlog kandidata za člana Nadzornog odbora mora sadržavati potrebne informacije i dokumentaciju koja se odnosi na ispunjavanje uslova za članstvo u Nadzornom odboru.

Kandidat za člana Nadzornog odbora mora prije glasanja dati pisanu izjavu o prihvatanju kandidature.

O prijedlogu dioničara iz stava 2. ove tačke, JP Elektroprivreda BiH d.d. – Sarajevo će objaviti Obavještenje u dnevnim novinama u Bosni i Hercegovini u kojima će se objaviti Obavještenje o sazivanju Osamdeset i devete (vanredne) Skupštine Društva i web stranici Društva.

- V. Pravo učešća u radu i odlučivanju Skupštine imaju dioničari upisani u listu dioničara JP Elektroprivreda BiH d.d. – Sarajevo kod Registra vrijednosnih papira u F BiH 30 dana prije datuma održavanja Skupštine ili posljednjeg radnog dana koji prethodi tom roku ako on pada u neradni dan.
- VI. Pravo učešća u radu i odlučivanju Skupštine dioničar može ostvariti lično ili putem punomoćnika koji može biti svaka poslovno sposobna fizička osoba ili pravna osoba registrovana za poslove posredovanja u prometu vrijednosnih papira i udruženje sa statusom pravne osobe osnovano i registrovano radi udruživanja i zastupanja dioničara u kojem slučaju ovlasti iz punomoći vrši zakonski ili opunomoćeni zastupnik takve pravne osobe. Jednog dioničara na skupštini može zastupati samo jedan punomoćnik.

- VII. Dioničar-punomoćnik koji želi učestvovati u radu i odlučivanju Skupštine obavezan je najkasnije tri dana prije datuma određenog za održavanje Skupštine u pisanoj obliku podijeliti Odboru za glasanje prijavu za učešće u radu i odlučivanju Skupštine. Prijava se može dostaviti lično na protokol Društva ili poštanskom pošiljkom na adresu Wilsonovo šetalište br.15, 71000 Sarajevo s naznakom "Za Odbor za glasanje" ili na e-mail: n.cikotic@epbih.ba ili na fax broj +387 (0) 33 751 905.

Punomoć za učešće u radu i odlučivanju skupštine daje se nakon objavljivanja ovog Obavještenja u obliku pisane izjave potpisane od dioničara i punomoćnika, ovjerene u skladu sa propisima.

Punomoćnik je dužan uz prijavu za učešće u radu i odlučivanju Skupštine priložiti punomoć, najkasnije 3 dan prije datuma određenog za održavanje Skupštine, a ukoliko punomoć nije dostavljena u originalu, original se dostavlja na samoj Skupštini.

Odbor za glasanje ima pravo da od dioničara zatraži dodatnu dokumentaciju u cilju provjere valjanosti prijave i punomoći za učešće u radu i odlučivanju skupštine.

- VIII. Dioničar koji želi pravo glasa ostvariti glasanjem u odsustvu je dužan, najkasnije u roku od 3 dana od dana objavljivanja ovog Obavještenja u dnevnim novinama, pisanim putem, podnošenjem prijave za odlučivanje na Skupštini, obavijestiti Društvo da želi pravo odlučivanja na Skupštini ostvariti glasanjem u odsustvu. Društvo će dioničaru dostaviti materijale koji se upućuju Skupštini Društva i glasačke listiće po tačkama dnevnog reda za koje su ispunjeni uslovi za glasanje u odsustvu, na adresu koju dioničar navede na prijavi ili adresu iz Liste dioničara. U dogovoru sa dioničarem, dostavljanje se može izvršiti i putem faksa ili e-mailom. Dioničar je dužan glasačke listiće popunjene, potpisane i ovjerene u skladu sa propisima, dostaviti Društvo najkasnije 3 dana prije dana održavanja Skupštine i to u originalu, lično na protokol Društva ili poštanskom pošiljkom na adresu Wilsonovo šetalište br.15, 71000 Sarajevo putem faksa na broj +387 (0) 33 751 905 ili kao prilog elektronske pošte na e-mail: n.cikotic@epbih.ba. U slučaju dostave glasačkih listića putem faksa ili kao prilog elektronske pošte dioničar je dužan original istih dostaviti najkasnije do dana održavanja Skupštine. U slučaju prijave za glasanje u odsustvu primjenjuju se zahtjevi iz tačke VII ovog Obavještenja.

- IX. Obrazac prijave i punomoći (osnovni elementi) može se preuzeti sa web stranice Društva (prilog Obavještenja o sazivanju Skupštine).

- X. Glasanje na Skupštini Društva odvija se putem glasačkih listića koji sadrže ime ili firmu dioničara i broj glasova kojim raspolaže.

- XI. Dioničari ili njihovi punomoćnici su dužni da se, uz ispravu za identifikaciju, registruju kod Odbora za glasanje i preuzmu glasačke listiće najkasnije 20 minuta prije vremena zakazanog za održavanje sjednice Skupštine Društva, s tim da se dioničarima preporučuje da dođu ranije.

- XII. Uvid u materijale dioničar/punomoćnik može izvršiti neposredno u poslovno-tehničkoj zgradi Društva, ul. Wilsonovo šetalište 15., Sarajevo, svaki radni dan u vremenu od 8,00 do 14,00 sati, u periodu od objavljivanja ovog Obavještenja do dana održavanja Skupštine.

- XIII. Ovo Obavještenje sa materijalima objavljeno je i na web stranici Društva (www.epbih.ba). Dodatna pojašnjenja vezano za održavanje Skupštine mogu se dobiti na telefone 033 751-901 i 033 751-911.

Nadzorni odbor